

# INUIT ATAQATIGIIT INATSISARTUNI



22.12.2022

UPA2023/62

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Innuttaasunut, aalisartut, piniartut savaatillillu inuussutissarsiorlutik ingerlatsinerminni silap allanngoriartorneranut attuumassutilimmik ajunaarnersuarmut assingusumik eqqugaasut aningaasatigut ikiorserneqarnissaat siunertaralugu Naalakkersuisut Aningaasanut Inatsimmi kontumik nutaamik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Kontomik pilersitsinerup peqatigisaanik kattuffiit attuumassuteqartut suliamut akuliutsinnerisigut ikiorsiisarnermik aqqissuussinermut periusissanik aalajangersaanissamik Naalakkersuisut suliaqassapput, tamanna kontumi pingaarnermi oqaasertaliinikkut imaluunniit namminerisamik inatsisissatut siunnersuuteqarnikkut pissaaq.**

(Inatsisartunut ilaasortaq Agathe Fontain, Inuit Ataqatigiit)

## **Tungavilersuut:**

Nunatsinni nunarsuatsinniluutaaq silap allanngornera malugisimavarput. Nunarsuarmi naqissuserneqareerpoq inuit pilersitaanik silap kissatsikkiartornera piousoq. Taamaannera nunatsinni inuussutissarsiorluninut sunut tamanut aamma kalluaavoq. Annertuumik eqqugaasut tassaapput sila avatangiiseralugu inuussutissarsiortut, ataqqinartut aalisartut piniartut aammalumi ataqqinartut savaatillit.

Nuna tamakkerlugu iliuuserisinnaasarput tassaavoq ajunaarnersuaqarnernut aningaasanik immikkoortitsisarnitta assiganik aningaasanut inatsit aqqutigalugu kontumik pilersitsineq. Takorluugara tassaavoq kontu ikiorsiigasuarinissamut atorneqassasoq.

Silap kissatikkiartornerata kingunerisaanik eqqorneqartut ikiorserneqariartarnerat maanna kipiluttunarpoq. Naliginnaasumik kommuuni aqqutigalugu inunnut ikiorsiissutinik qinnuteqartarnerit sila peqqutigalugu inuussutissarsiorsinnaajunnaarnermut naleqqussarneqarsimangillat atorneqarsinnaanatillu.

# INUIT ATAQATIGIIT INATSISARTUNI



Siunnersuutigaara Naalakkersuisut kattuffiit susassaqtartut peqatigalugit silap allanngornerata kingunerisaanik inuussutissarsiorsinnaajunnaartoqartillugu qinnuteqarfiusinnaasumik Naalakkersuisut suliaqassasut. Naalakkersuisut kontumik pilersitsiutigalutik ikiorsiinissamut periutsumik eqaatsumik aaqqiissutaasinnaasumik suliaqassallutik.

Taama ittumillu siunnersuuteqarnerni nunarsuamioqatigiit silap kissatsikkiartuinnarneranut eqqornerlunneqartunut pisussaaffeqartariaqarnerat tunngavingalugu, Naalakkersuisut siulittaasuat kaammattorumavara ministeriunermik ataatsimeeqateqarnerminni qanoq nunarsuarmioqatigiit silap allanngorneranut eqqornerlunneqartut pillugit ikioqatigiissinnaanerat anguniarlugu suliniuteqarnissamik nunarsuarmioqatigiinnut nunarput peqatigalugu inassuteqaqqullugu.

## **Pisortanut aningaasatigut allaffissornikkullu kingunerisassai:**

Missingerneqarpoq siunnersuut AC-fuldmægtigip ukioq ataatsip kaajallallugu sulineratut 500.000 koruunit naliganut akeqassasoq, taassumalu saniatigut missingersuutigineqarpoq kontup ingerlanneqarneranut ukiumut AC fuldmægtigip ukiup affaanut sulineratut naleqassasoq, tassa 250.000 koruuninik.

## **Namminersortunut aningaasatigut allaffissornikkullu kingunerisassai:**

Namminersorluni inuussutissarsiuteqartunut ajornannginnerusumik allaffissornikkut qinnuteqaasiornissamut siunnersuut iluaqutaassaaaq.

## **Innuttaasunut aningaasatigut allaffissornikkullu kingunerisassai:**

Kinguneqassanngilaq.